

*"মিষ্টি বাচ্চারা - এ হলো এক আশ্চর্যজনক সংসঙ্গ, যেখানে তোমাদের জীবন্মৃত হতে শেখানো হয়, যারা জীবন্মৃত হতে পারে, তারাই হংস হতে পারে।"

প্রশ্ন:- বাচ্চারা, তোমাদের এখন এক কোন্ চিন্তা আছে?

উত্তর:- আমাদের বিনাশের পূর্বে সম্পন্ন হতে হবে। যে বাচ্চারা জ্ঞান আর যোগে দৃঢ় হতে থাকে, তাদের মানুষকে দেবতা বানানোর অভ্যাস হতে থাকে। তারা সেবা বিনা থাকতেই পারে না। তারা জিনের মতো দৌঁড়াতে থাকবে। তাদের সেবার সঙ্গে সঙ্গে নিজেকেও সম্পন্ন করার চিন্তা থাকবে।

ওম শান্তি। আত্মাদের পিতা বসে তাঁর আত্মিক সন্তানদের বোঝান -- আত্মা এখন সকারে আছে এবং তারা প্রজাপিতা ব্রহ্মার সন্তান, কেননা তাদের অ্যাডাপ্ট করা হয়েছে। সকলেই তোমাদের বলে যে, এরা ভাই - বোন হয়ে যায়। বাবা তাঁর বাচ্চাদের বুঝিয়েছেন যে, প্রকৃতপক্ষে তোমরা আত্মারা হলে ভাই - ভাই। সৃষ্টি এখন নতুন হবে, তাই সর্বপ্রথম শিখায় ব্রাহ্মণের প্রয়োজন। তোমরা শূদ্র ছিলে, এখন তোমাদের পরিবর্তন হয়েছে। ব্রাহ্মণও তো অবশ্যই চাই। প্রজাপিতা ব্রহ্মার নাম তো বিখ্যাত। এই হিসাবে তোমরা বুঝতে পারো যে, আমরা সমস্ত বাচ্চারা ভাই - বোন হলাম। যারা নিজেদের ব্রহ্মাকুমার - কুমারী বলে পরিচয় দেবে, তারা অবশ্যই ভাই - বোন অনুভব হবে। সবাই যখন প্রজাপিতা ব্রহ্মার সন্তান, তখন অবশ্যই ভাই - বোন হওয়া উচিত। অবুঝদের এই কথা বুঝিয়ে বলা উচিত। অবুঝরাও যেমন আছে, তেমনই অন্ধ বিশ্বাসীরাও আছে। তারা যার পূজা করে, যার প্রতি বিশ্বাস রাখে যে, এ অমুক, কিন্তু তাঁর সম্বন্ধে কিছুই জানে না। তারা লক্ষ্মী - নারায়ণের পূজা করে, কিন্তু তাঁরা কবে এসেছিলেন, কিভাবে এমন হয়েছিলেন, এরপর কোথায় গেলেন, এসব কেউই জানে না। কোনো মানুষ যদি নেহেরু ইত্যাদিকে জানে, তাহলে তাঁর হিস্ট্রি - জিওগ্রাফিকেও অবশ্যই জানে। যদি তাঁর জীবনী না জানে তাহলে কোন কাজের? ওরা পূজা করে কিন্তু জীবন কাহিনীই জানে না। মানুষের জীবন কাহিনী তো জানে কিন্তু বড়রা, যারা অতীত হয়ে গেছেন তাদের একজনেরও জীবন কাহিনী জানে না। শিবের কতো পূজারী, তারা পূজা করে, তবুও মুখে বলে দেয়, ঈশ্বর নুড়ি - পাথরের মধ্যে আছেন, কণায় - কণায় আছেন। একি কোনো জীবন - কাহিনী হলো? এ তো কোনো বুদ্ধির কথাই নয়। মানুষ নিজেদেরও পতিত বলে দেয়। পতিত শব্দ কতটা সঠিক? পতিত কথার অর্থ বিকারী। তোমরা বুঝিয়ে বলতে পারো, আমাদের কেন ব্রহ্মাকুমার - কুমারী বলা হয়? কেননা আমরা ব্রহ্মার গৃহীত সন্তান। আমরা কুলজাত নয়, আমরা মুখ বংশাবলী। ব্রাহ্মণ - ব্রাহ্মণীরা তো ভাই - বোন হলো। তাই তাদের নিজেদের মধ্যে কোনো কুদৃষ্টি থাকতে পারে না। মুখ্য খারাপ চিন্তা হলো কাম বিকারের। তোমরা বলো যে, আমরা প্রজাপিতা ব্রহ্মার সন্তান, তাই ভাই - বোন হয়ে যাই। তোমরা মনে করো, আমরা সবাই শিববাবার সন্তান, ভাই - ভাই। এও পাকা কথা। এই দুনিয়া এসবের কিছুই জানে না। তারা যেমন খুশী বলে দেয়। তোমরা সবাইকে বুঝিয়ে বলতে পারো, সমস্ত আত্মাদের বাবা ওই একজনই। তাঁকেই সবাই ডাকতে থাকে। তোমরা তাঁর ছবিও দেখিয়েছো। বড় - বড় ধর্মের মানুষরাও এই নিরাকার বাবাকে মানেন। তিনি হলেন সমস্ত নিরাকার আত্মাদের বাবা, আর সাকারে সকলের বাবা প্রজাপিতা ব্রহ্মা, যার থেকে বৃদ্ধি হতে থাকে এবং বৃক্ষের ঝাড় বাড়তে থাকে। আত্মা ক্রমাগত ভিন্ন - ভিন্ন ধর্মে আসতে থাকে। আত্মা তো এই শরীর থেকে পৃথক। শরীর দেখে মানুষ বলে -- এ আমেরিকান, এ অমুক। আত্মাকে তো সে কথা বলে না। আত্মারা সকলেই শান্তিধামে থাকে। সেখান থেকে অভিনয় করার জন্য আসে। তোমরা যে কোনো ধর্মের মানুষদের এ কথা শোনাও, পুনর্জন্ম তো সবাই নেয় আর উপর থেকেও নতুন আত্মা আসতে থাকে। তাই বাবা বলেন - তোমরাও মানুষ আর মানুষেরই তো সৃষ্টির আদি - মধ্য এবং অন্তকে জানা উচিত যে, এই সৃষ্টিচক্র কিভাবে ঘুরছে, এর রচয়িতা কে, এই সৃষ্টিচক্র ঘুরতে কতটা সময় লাগে? এ কথা তোমরাই জানো, দেবতারা তো জানেই না। মানুষই সব জেনে দেবতা হয়। আর এই মানুষকে দেবতা বানান বাবা। বাবা নিজের এবং রচনার পরিচয় দেন। তোমরা জানো যে, আমরা বীজরূপ বাবার বীজরূপ সন্তান। বাবা যেমন এই উল্টো বৃক্ষকে জানেন, তেমনই আমরাও জেনে গেছি। মানুষ, মানুষকে এ কথা কখনোই বোঝাতে পারবে না। বাবা কিন্তু তোমাদের তা বুঝিয়েছেন।

যতক্ষণ না তোমরা ব্রহ্মার সন্তান হচ্ছো ততক্ষণ তোমরা এখানে আসতে পারবে না। যতক্ষণ না তোমরা কোর্স সম্পূর্ণ করে বুঝতে পারছো ততক্ষণ এই ব্রাহ্মণদের সভায় কিভাবে বসতে পারবে? একে ইন্দ্র সভাও বলা হয়। ইন্দ্র কখনো জলের বর্ষণ করেন না। 'ইন্দ্র সভা' বলা হয় আর পরীও তোমাদেরই হতে হবে। অনেক প্রকার পরীর মহিমা আছে।

কোনো কোনো বাচ্চা খুব সুন্দর হলে যেমন বলা হয়, এ তো যেন পরীর মতো । পাউডার লাগিয়ে সুন্দর হয়ে যায় । সত্যযুগে তোমরা পরী হও, পরীজাদা হও । এখন তোমরা জ্ঞানের সাগরে জ্ঞান স্নান করতে পরী (দেবী - দেবতা) হয়ে যাও । তোমরা জানো যে, আমরা কি থেকে কি হচ্ছে । সেই পরিব্রাজক বাবা, যিনি সদা পবিত্র, চির সুন্দর, তিনি তোমাদেরও তাঁর তুল্য বানানোর জন্য অপবিত্র শরীরে প্রবেশ করেন । এখন গোরা অর্থাৎ নির্বিকারী, সুন্দর কে বানাবেন ? বাবাকেই তো বানাতে হবে, তাই না । এই সৃষ্টিচক্রকে তো ঘুরতেই হবে । তোমাদের এখন গোরা অর্থাৎ সুন্দর হতে হবে । একমাত্র জ্ঞানের সাগর বাবাই তোমাদের পড়ান । তিনি জ্ঞানের সাগর, প্রেমের সাগর । সেই বাবার মহিমার গায়ন যেমন হয়, লৌকিক বাবার তেমন হয়ই না । এ হলো অসীম জগতের পিতার মহিমা । তাঁকেই সবাই ডাকতে থাকে যে, তুমি এসে আমাদেরও এমন মহিমা সম্পন্ন করো । এখন তোমরা পুরুষার্থের নম্বর অনুসারে তেমন তৈরী হচ্ছেো । এই পড়াতে সবাই একরস হয় না । এতে রাতদিনের তফাৎ থাকে । এরপর তোমাদের কাছেও অনেকেই আসবে । তোমাদের অবশ্যই ব্রাহ্মণ হতে হবে । এরপর কেউ ভালোভাবে পড়ে, কেউ আবার কম । এই আধ্যাত্মিক পঠনে যে ভালো হবে, সে আবার অন্যদেরও পড়াতে পারবে । তোমরা এখন বুঝতে পারো, কতো আধ্যাত্মিক মহাবিদ্যালয় তৈরী হচ্ছে । বাবাও বলেন, এমন মহাবিদ্যালয় তোমরা বানাও যাতে যে কেউ এসে যেন বুঝতে পারে যে, এই মহাবিদ্যালয়ে রচয়িতা এবং রচনার আদি - মধ্য এবং অন্তের জ্ঞান মেলে । বাবা এই ভারতেই আসেন তাই ভারতেই আধ্যাত্মিক মহাবিদ্যালয় খোলা হয় । এর পরে বিদেশেও খুলতে থাকবে । অনেক কলেজ - বিশ্ববিদ্যালয় তো চাই যেখানে অনেকে এসেই পড়বে আর যখন এই পাঠ সম্পূর্ণ হবে তখন দেবী - দেবতা ধর্ম সবাই ট্রান্সফার হয়ে যাবে অর্থাৎ মানুষ থেকে দেবতা হয়ে যাবে । তোমরা তো মনুষ্য থেকে দেবতা হও, তাই না । এমন মহিমাও আছে - মানুষ থেকে দেবতা করা হলো ----- । এখানে এটা হলো মনুষ্যের দুনিয়া আর ওটা হলো দেবতাদের দুনিয়া । দেবতা আর মানুষে রাতদিনের তফাৎ । দিনে হলো দেবতা আর রাতে মানুষ । সমস্ত ভক্তই হলো ভক্ত এবং পূজারী । তোমরা এখন পূজারী থেকে পূজ্য পরিণত হচ্ছেো । সত্যযুগে শাস্ত্র - ভক্তি ইত্যাদির কোনো নাম থাকে না । সেখানে সকলেই হলো দেবতা । মানুষ হলো ভক্ত । মানুষই আবার পরে দেবতা হয় । সে হলো দৈবী দুনিয়া আর একে বলা হয় আসুরী দুনিয়া । রাম রাজ্য আর রাবণ রাজ্য । পূর্বে তোমাদের বুদ্ধিতে ছিলোই না যে, রাবণ রাজ্য কাকে বলা হয় ? রাবণ কবে এসেছিলো ? তোমরা কিছুই জানতে না । মানুষ বলে যে, লক্ষা সমুদ্রে ডুবে গিয়েছিলো । দ্বারকার জন্যও এমনই বলা হয় । এখন তোমরা জানো যে, এই সম্পূর্ণ লক্ষা ডুবে যাবে, এই সম্পূর্ণ দুনিয়া হলো অসীম জগতের লক্ষা । এ সবই ডুবে যাবে, অনেক জল এসে যাবে । বাকি স্বর্গ কখনোই ডুবে যায় না । সেখানে অগাধ ধন - সম্পদ ছিলো । বাবা বুঝিয়েছেন যে, এক সোমনাথ মন্দিরকে মুসলিমরা কতটা লুট করেছিলো । এখন দেখো, কিছুই নেই । ভারতে কতো অগাধ ধন ছিলো । ভারতকেই স্বর্গ বলা হয় । এখন কি একে স্বর্গ বলা হবে ? এখন তো নরক, আবার স্বর্গ তৈরী হবে । কে স্বর্গ আর কে নরক বানায় ? এ কথা এখন তোমরা জেনে গেছো । রাবণ রাজ্য কতো সময় ধরে চলে, এও তোমাদের বলা হয়েছে । রাবণ রাজ্যে কতো অজস্র ধর্ম হয়ে যায় । রামরাজ্যে তো কেবল সূর্যবংশী আর চন্দ্রবংশীরা থাকে । এখন তোমরা এই আধ্যাত্মিক পাঠ গ্রহণ করছো । এই পাঠ আর কারোর বুদ্ধিতেই নেই । তারা তো রাবণ রাজ্যেই আছে । রামরাজ্য হয় সত্যযুগে । বাবা বলেন, আমি তোমাদের যোগ্য বানাই । তারপর তোমরা অযোগ্য হয়ে যাও । অযোগ্য কেন বলা হয় তোমাদের ? কেননা তোমরা পতিত হয়ে যাও । তোমরা দেবতাদের যোগ্যতার মহিমা করো আর নিজেদের অযোগ্যতার গান করো ।

বাবা বোঝান যে - তোমরা যখন পূজ্য ছিলে তখন দুনিয়া নতুন ছিলো । সেখানে খুবই অল্প মানুষ ছিলো । তোমরাই সম্পূর্ণ বিশ্বের মালিক ছিলে । এখন তোমাদের খুবই খুশী হওয়া উচিত । তোমরা তো ভাই - বোন হয়ে যাও, তাই না । ওরা বলে দেয়, তোমরা ঘর ভেঙ্গে দাও । আবার ওরাই যখন এখানে এসে শিক্ষা গ্রহণ করে তখন বুঝতে পারে, এই জ্ঞান তো খুবই ভালো । তখন অর্থ বুঝতে পারে, তাই না । ভাই - বোন সম্পর্ক ছাড়া পবিত্রতা কোথা থেকে আসবে ? সমস্ত কিছুই পবিত্রতার উপর নির্ভর করে । বাবা আসেনই মগধ দেশে, যা কিনা অনেক পড়ে যাওয়া দেশ, সেখানে অনেক পতিত, থাওয়া - দাওয়াও সেখানে অশুদ্ধ । বাবা বলেন - আমি অনেক জন্মের অন্ত জন্মের শরীরে প্রবেশ করি । ইনি ৮৪ জন্মগ্রহণ করেন । অন্তিম থেকে প্রথম আর প্রথম থেকে অন্তিমে যান । একজনকে তো উদাহরণ বানাবেন, তাই না । তোমাদের সাম্রাজ্য এখন তৈরী হচ্ছে । তোমরা যতো ভালোভাবে বুঝতে পারবে, ততই তোমাদের কাছে অনেকে আসবে । এখন এই বৃক্ষের ঝাড় খুবই ছোটো । ঝড়ও অনেক আসে । সত্যযুগে ঝড়ের কোনো কথাই নেই । উপর থেকে নতুন নতুন আত্মা আসতে থাকে । এখানে মায়ার ঝড় এলেই মানুষ পড়ে যায় । ওখানে মায়ার তুফান থাকেই না । এখানে তো বসে বসেই মানুষ প্রাণত্যাগ করে, আর তোমাদের তো মায়ার সঙ্গে যুদ্ধ, তাই মায়ার তোমাদের হারান করে । সত্যযুগে এসব হয় না । দ্বিতীয় অন্য কোনো ধর্মে এমন বিষয় নেই । রাবণ রাজ্য আর রাম রাজ্যকে আর কেউই বুঝতে পারে না । সত্যযুগে যদিও বা যায়, সেখানে মরা - বাঁচার কোনো কথাই নেই । এখানে তো বাচ্চাদের দণ্ডক নেওয়া হয় । তোমরা

বলো, আমরা শিববারার সন্তান, আমরা তাঁর থেকে অবিনাশী উত্তরাধিকার গ্রহণ করি। এই উত্তরাধিকার নিতে নিতে আমরা নামতে থাকি তখন এই উত্তরাধিকারও শেষ হয়ে যায়। হংস থেকে পরিবর্তন হয়ে বক হয়ে যায়। বাবা তো দয়ালু, তাই তিনি আবারও বোঝাতে থাকেন। কেউ আবার নতুন করে উঠতে থাকে। যে স্থির, অচল থাকে, তাকে বলা হয় মহাবীর, হনুমান। তোমরাই হলে সেই মহাবীর। তোমাদের নশ্বরের ক্রমানুসারে তো থাকেই। সবথেকে শক্তিশালীকে মহাবীর বলা হয়। আদিদেবকেও মহাবীর বলা হয়, যার থেকে এই মহাবীরের জন্ম হয়, তিনিই এই বিশ্বের রাজস্ব করেন। পুরুষার্থের নশ্বর অনুসারে রাবণের উপর বিজয় প্রাপ্ত করার জন্য তোমরা পুরুষার্থ করতে থাকো। রাবণ হলো পাঁচ বিকার। এ তো বোঝার মতো কথা। বাবা এখন তোমাদের বুদ্ধির তালা খুলছেন। এরপর তালা একদম বন্ধ হয়ে যায়। এখানেও এমন আছে, যার তালা খুলে গেলে গিয়ে সার্ভিস করে। বাবা বলেন, তোমরা গিয়ে সার্ভিস করো, যারা গর্তে পড়ে আছে তাদের তুলে ধরো। এমন নয় যে, তোমরাও গর্তে পড়ে গেলে। তোমরা গর্ত থেকে বের হয়ে অন্যদেরও বের করো। বিষয় বৈতরণী নদীতে অপার দুঃখ থাকে। এখন তোমাদের অপার সুখের দুনিয়ায় যেতে হবে। যিনি অপার সুখ প্রদান করেন, তাঁর মহিমার গায়ন হয়। রাবণ, যে দুঃখ দেয়, তার কি মহিমা হবে? রাবণকে বলা হয় অসুর। বাবা বলেন যে, তোমরা রাবণ রাজ্যে ছিলে, এখন অপার সুখ পাওয়ার জন্য তোমরা এখানে এসেছো। তোমরা কতো অপার সুখ পাও। তোমাদের কতটা খুশীতে থাকা উচিত আবার সাবধানও থাকা উচিত। নশ্বরের ক্রমানুসারে তো তোমাদের পজিশন হয়। প্রত্যেক অভিনেতার পজিশন আলাদা। সবার মধ্যে তো ঈশ্বর থাকতে পারে না। বাবা প্রত্যেকটি কথা নিজে বসে বোঝান। তোমরা পুরুষার্থের নশ্বর অনুসারে বাবাকে আর এই রচনার আদি - মধ্য এবং অন্তকে জেনে যাও। পুরুষার্থের নশ্বর অনুসারে এই পার্ঠের উপর মার্কস দেওয়া হয়। এ হলো অসীম জগতের পার্ঠ, এতে বাচ্চাদের খুবই মনোযোগ দেওয়া উচিত। একদিনও যেন এই পার্ঠ বাদ না যায়। আমরা হলাম ছাত্র, গড ফাদার আমাদের পড়ান - বাচ্চাদের এই নেশা থাকা উচিত। ভগবান উবাচঃ - ওরা কেবল নাম পরিবর্তন করে কৃষ্ণের নাম দিয়ে দিয়েছে। ভুল করে ওরা কৃষ্ণ ভগবান উবাচঃ ভেবে নিয়েছে কেননা কৃষ্ণ হলেন ভগবানের সবথেকে কাছে। বাবা যে স্বর্গ স্থাপন করেন তাতে এক নশ্বর হলেন ইনি। এই জ্ঞান এখন তোমরা পেয়েছো। পুরুষার্থের নশ্বর অনুসারে তারা নিজেরও কল্যাণ করে, আর অন্যেরও কল্যাণ করতে থাকে, তাদের সেবা ছাড়া কিছুতেই সুখ আসবে না।

বাচ্চারা, তোমরা যোগ আর জ্ঞানে দৃঢ় হয়ে যাবে, তখন এমনভাবে কাজ করবে, যেন জিন। মানুষের দেবতা হওয়ার অভ্যাস হয়ে যাবে। মৃত্যুর আগেই তোমাদের উত্তীর্ণ হতে হবে। তোমাদের অনেক সেবা করতে হবে। এরপরে তো লড়াই লেগে যাবে। প্রাকৃতিক বিপর্যয়ও আসবে। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণের স্নেহ-সুমন আর সুপ্রভাত। আত্মাদের পিতা তাঁর আত্মারূপী বাচ্চাদের নমস্কার জানাচ্ছেন।

ধারণার জন্যে মুখ্য সারঃ-

১) লাস্ট এসেও ফাস্ট (দ্রুত) যাওয়ার জন্য মহাবীর হয়ে পুরুষার্থ করতে হবে। মায়ার ঝড় দেখে ঘাবড়ে যেও না। বাবার সমান দয়ালু হয়ে মানুষের বুদ্ধির তালা খোলার সেবা করতে হবে।

২) জ্ঞানের সাগরে রোজ স্নান করে পরীজাদা হতে হবে। একদিনও এই আধ্যাত্মিক পার্ঠ বাদ দেবে না। আমরা ভগবানের ছাত্র -- এই নেশায় থাকতে হবে।

বরদানঃ- মন থেকে "আমার বাবা" বলে সত্যিকারের কামাই করে সমর্পিত বা জীবন্মুত ভব*
ব্রহ্মাকুমার - কুমারী হওয়া অর্থাৎ সমর্পিত হওয়া। মন থেকে যখন বলো "আমার বাবা" তখন বাবাও বলেন, বাচ্চারা, সবকিছুই তোমাদের। প্রবৃত্তিতেই থাকো অথবা সেন্টারে, মন থেকে যদি কেউ বলে "আমার বাবা", তখন বাবাও আপন করে নেন, এ হলো মনের কামাই, মুখের স্থূল কামাই নয়। সমর্পণ অর্থাৎ শ্রীমতের অন্দরে থাকা। এমন সমর্পিতরাই জীবন্মুত ব্রাহ্মণ হয়।

স্লোগানঃ- যদি 'আমার' শব্দের প্রতি প্রেম থাকে তাহলে অনেক 'আমারকে' এক 'আমার বাবার' কাছে বিলীন করে দাও*।